

明神宗實錄

卷六十八至一二〇
萬曆五年十月至十年正月

明神宗顯皇帝實錄卷之六十八

萬曆五年十月甲申朔欽天監進明年大統曆 上御皇極殿
受之分賜文武羣臣頒行天下 陞大理卿嚴清為刑部石侍
郎 以畿輔災傷凡存留稅糧照勘災分數蠲免衛所屯糧照
例折徵其帶徵之數係被災七分以上者停之 乙酉 孝潔
肅皇后忌辰 奉先殿行祭禮遣新寧伯諫國佐祭 永陵 〇
先是大學士呂調陽以 實錄加恩再辭不允連疏乞休至是
病可見朝復上疏辭 上以威命已久不允 〇先是總理漕儲
都御史胡執禮言江南改折之利請每歲會計以改折三分為
常戶部覆奏太倉所積僅足支六年此時未可遽議 上是部
言 丙戌張居正疏乞回籍守制得旨勉留疏首言臣受非常
之恩宜有非常之報何暇顧旁人非議徇匹夫之小節徇拘

常理之內觀此而奪情之本謀盡露矣。丁亥建州石等衛女
直天人都督朱留任等并嘉等衛夷人都督阿古等各赴京朝
貢賜宴給賞如例。○改南京大理寺卿宋儀望為大理寺卿。○
命兵部尚書王崇古欽仕馳驛回籍時崇古復為給事中尹瑾
御史高維崧論劾上疏乞罷故有是命。○命御史劉良弼刷卷
京畿。○戊子時琴星見西南光明大如盞芒蒼色長數丈繇
尾箕越斗牛直逼女宿禮臣疏請修省得旨玄象示異朕心深
切儆惕大小臣工其恪修職業以圖消弭。○張居止再疏乞歸
守制得旨卿言終是常理今朕在冲年國家事重豈常時可同
卿平日所言朕無不從今日望卿從朕無得再陳。○辛卯張居
正三疏乞歸守制得旨卿今日實不可離朕左右特遣司禮監
官同卿子編修馳驛回籍營葬事畢即迎卿母來京侍養用全

孝思卿宜體朕至意弗再辭 上復降手勅諭居正朕賴先生
爲師朝夕納誨以匡不逮今朕學尚未成志尚未定萬幾尚未
諸理先生何忍遽去盡棄前功萬望先生仰體 聖母與朕湛
惓懇留至意毋勞再陳 壬辰起原任大理寺卿陸光祖爲南
京大理寺卿 命協理京營戎政兵部尚書兼都察院右副都
御史方逢時回部管事 命御史李學詩巡視京營 先是浙
江海鹽縣有土石二塘以捍潮勢萬曆三年間忽遇颶風衝決
至是興築工完巡撫徐弼以聞下工部知之 甲午先是吏部
尚書張瀚奉命諭留居正未及回奏至是輔臣傳旨詰責瀚惶
恐謝罪于是臺省媚居正者交章劾瀚矣 降巡按浙江御史
鮑希賢二級調外任以其章奏脫名也 錄萬曆四年遼東將
領招降功次總兵李成梁等各陞賞有差 先是貴州逆犯繼

王竊據山澤劫殺橫行至是伏誅○乙未御史曾士楚上疏請
留居正報聞○廣西思恩府自弘治中岑濟叛後改土為流嘉
靖初土酋王受作亂新建伯王守仁撫平之始邊府治于荒田
割南寧府武緣縣止戈一二圖為編戶黎思恩舊治為九土巡
簡司而統于府至是兩廣總督凌雲翼以九司種類日悍蔑視
漢官府治編民甚少緩急難恃議改武緣一縣全屬思恩以資
捍壓又言梧州地方遼闊守巡二道共駐府城臨警不及策應
欲將巡道移駐鬱林州分轄北流等縣度遠府西德勝鎮逼近
峒賊欲將府同知移駐督捕河池控扼東蘭南丹那地三土州
以屏蔽慶遠頗稱要害請添設州同一員居中撫馭戶兵二部
覆奏如議從之○丙申居止三疏後請在官守制以素服角帶
入閣辦事日侍講讀辭免俸薪并請明春乙假歸葬之期許之

○禁中火倉下連房災○陞遼東巡撫張學顏爲兵部左侍郎
協理京營戎政○陞通政使司右叅議許光大爲左叅議工部
員外郎杜其驕爲通政使司右叅議○丁酉兵部尚書方逢時
辭氣原兼憲職許之○吏科左給事中王道成陝西道御史謝
思啓交章論劾吏部尚書張瀚徇私欺罔得旨張瀚昏耗至此
今致仕去復奪侍郎何維柏陳烱係三月降談司郎中俸三級
管事不許陞轉餘各罰俸半年○己亥巡按山西御史陳用賓
條上鹽課三事一修南岸以盡南鹽之利解池鹽花盛生無間
南北而採者止及北岸今歲督官往池南撈取不二日獲鹽三
十八百餘引宜建廳鋪修料臺墊道路以便採辦一裁富丁以
寬貧丁之力凡富丁納銀者今後停免一體應役無致偏累貧
丁逃亡虧課一添引目以通舊引之窮各處引目所載鹽斤之

數雖多寡不齊大約每引不過一石未有如花馬二池一引八石之為多者蓋多價重商多朋合及其分販裂引瓜分殊為未便議將一引易為四道增引不增價使小商各便照賣官司易于稽查戶部覆宜如議但說者謂南涯乃產鹽根母根母不傷故花生日盛萬一剝削太過恐本源既竭鹽花少生宜審酌行之報可○庚子 上以星變未頒禁中火警諭禮部建醮朝天宮三日仍徧告各宮廟百官修省停刑禁屠○辛丑火星順行犯氐宿○戶部覆順天府尹王之垣條上編審均徭事宜一州縣俱照三等九則徵銀編差毋得輕縱上戶專累小民一徭差地科太輕丁科大重議將見在丁地通融計算每地一畝科銀二分以補丁差之不足一納粟員役編徵門銀一內官軍較據實優免一流寓年久一體當差暫寄莊者除照例徵銀外每畝

量增三分以濟力差之用一置買田宅稅契過割一革庫天仍
用庫平須作力差有司不許科索一減編各縣站銀一增編陵
戶一派徵總督軍門與各道添薪銀兩得旨依議惟總督軍門
紫薪令于缺官柴馬銀內扣解不必派徵○都御史陳瓚三疏
乞休許之令駝驛回籍時瓚已久病貽書禮臣馬自強師相之
事公卿宜乞留宗伯亟倡之疏上慎弗遺我名自強讀而歎曰
此老必不起矣以其心先死也素以硜硜者聲令若此古稱蓋
棺論定信哉○命吏運司庫銀一萬兩稻六百六十餘石賑兩
淮各場竈丁以水災重大故也○癸卯戶部覆戶科給事中顧
允思條陳光祿事宜一申催解之令一酌支放之宜謂談寺錢
糧錄止二十二萬五千有奇而米多至于紅腐議將珍羞署所
積白粳米與大官署上白米通融給放易陳為新一嚴保歇之

德一定商額之數每歲終會審酌量難易以定額數擇有力慣
辨者當之汰革幫戶以杜扳援得旨先行○甲辰命南京兵部
尚書劉光濟致仕以御史曾士楚劾其曠廢也○乙巳先是翰
林院編修吳中行簡討趙用賢刑部員外艾穆主事沈思孝各
上疏論輔臣張居正奪情事留中數日于是降旨命錦衣衛逮
至午門前中行用賢各杖六十發回原籍萬民永不敘用穆思
孝各杖八十發極邊充軍遇赦不宥中行疏略因變陳言竭愚
衷明大義以植綱常頃者天象示異星變非常凡事必質諸人
心而妻始揆諸天意而順然後天變可消居正乞歸守制是舉
也萬古之綱常所繫四方之觀聽攸關居正謂父子相別十九
年而今長逝于數千里外遂成永訣乃不得匍匐苦塊一憑棺
牖穴 皇上必欲其違心抑情銜哀茹痛于廟堂之上且責之

以許謨決策調元熙載或者非其情也矧位當天下之重任身繫四海之具瞻必正己而後可以正百官正萬民皇上所以必留與居止所以不容不留其微權深意非圓神通方者未可告語彼遐觀巡眺之天拘回守常之士或因其不去之迹歸以不韙之名安能家喻戶曉而使無里談巷議乎皇上尚欲其敦化施政端範移風于海寓之間且責人之趨令遵教用協丕式或者非其理也居止自信而對揚之言惟曰聖賢道理祖宗法度夫宰予短喪孔子曰予也有三年之愛于父母乎孟子請喪孟子曰雖加一日愈于已然則終喪正聖賢之訓也而身自違之必其所不忍也國家令甲屬人小吏區長有律惟武弁或行則墨冑從事而未嘗以介冑之士處輔弼之臣即有枉例可稽亦三年未終而非一日不去之謂且當時諍之後世譏之

乃二輔首題之疏方以計聞遂以例請謬矣臺省諸臣乞留之
疏抑又謬矣然則奪情正非 祖宗之法也而身自蹈之必其
所不敢也用賢疏略謂先朝楊漣李賢亦嘗起復然漣先以前
母還家賢既以回籍奉旨奪情固未有不出都門而可謂之起
復者也且 陛下所以不免輔臣之請者豈非謂朝廷政令賴
以參決四海人心賴以觀法者乎今輔臣方員沉痛其精神之
恍惚思慮之迫切必不能如曩日之周悉而四海之聽聽風聲
者又以徇曲尋常之見疑之亦必不能如曩日之敬信而承服
是輔臣之勲望積之數年而 陛下顧歎之一日臣不知 陛
下何思而為此也臣竊固是而感士氣之日靡也國家設臺諫
以任糾繩之寄固非謂其阿意順旨將迎逢合也今輔臣之留
皇上既有成命矣烏用是曉曉者背公誼而徇私情蔑皇性

而倡異論臣誠不知其可也穆孝同疏謂自居正奪情華星實
見臣等意在廷之臣必有所能指陳綱常大義以感悟 聖衷者
詎期附矣鄙夫如御史曾士楚都給事中陳三謨干犯清議望
風保留致使人心長死國是若狂綱紀風俗將大壞而不可止
矣居正今以例留學顏就列如異時國家有大慶賀大祭祀為
元輔大臣者若欲避之則于君父大義不可欲出則于父子至
情又不安臣不知斯時 陛下何以處居正居正何以自處宜
速令奔喪守制以全忠孝大節則綱常而朝廷正朝廷正而百
官萬民莫不止一正足以格天何災異之不可相哉當中行疏
上學士王錫爵會翰林宗伯而下數千人求辭于居正弗納錫
爵徑造喪次言之辭頗峻居正勃然下拜索刀作劍頭狀曰
上強留我而諸子力逐我且殺我耶錫爵亟趣出知事不可回

矣就逮之日陰雲忽結天鼓大鳴慘黯者移時受杖畢較尉以布曳出長安界以板牋即日驅出國門中行頓絕而蘇而穆思孝措拳詔獄中三日始食發中行餽舍都門外故人聞有候視者過卒輒籍記之而廠衛之命隨至即裹創行呻吟徹晝夜股肉剝去數十彎大盈尺深入者踰寸竟空一膜云方中行等得罪時翰林侍講趙志舉張位子慎行張一桂李長春田一偶修模習孔教沈懋學俱具疏救格不入而懋學三貽書居正子懋修仲紹權忠孝之辭以為師相之留為世道計諸子之疏亦為世道計奈何視為狂童斥為雛童乎此言出而所云力不能救者天下疑而弗信矣又貽書李幼滋云師相之歸宜決臺省之歸宜止言甚切直未幾孔教志舉位相繼遷謫去錫爵懋學皆移病歸○丙午 上勅諭羣臣羣臣小人貌朕冲年忘憚元輔

乃借綱常之說肆為擠排欲使朕孤立於上得以任意自恣茲已薄示處分如黨姦懷邪欺君無上必罪不宥○命山西顧編站銀免派一年以諒省積有餘銀十二萬八百餘兩足抵止額也○丁未刑部辦事進士鄒元標上疏論輔臣張居正奪情事上命廷杖八十謫極邊充戍詔畧言居止才雖可為學術則偏志難欲為自用太甚諸所設施乖張者難以教舉姑舉其最者一曰進賢未廣如限郡邑進學有定數二曰決囚太濫如限各省決囚有定數三曰言路未通如有建白不先稟命有今日陳言而明日罹罪者四曰民隱未周如水潦旱魃之災有司不以奏聞怨于大臣德政其他用深刻之吏阻豪傑之才不可枚舉即使有利社稷猶大壞綱常況無利社稷若此而可留之耶居止首疏有非常之人然後可辦非常之事命有人于親

生而不顧死而不葬人不曰殘忍則曰薄行不曰禽獸則曰喪心可謂非常人乎又曰不顧傍人之非議匹夫之小節三年之喪果可謂小節乎先朝李賢奪情起復羅倫力辯斥之居止不歸無情可奪無復可起遠非賢之儔矣 聖諭朕學尚未成志尚未定先生既去前功盡棄居正丁憂可挽留之居止既有不測 陛下之學終不成志終不定耶居正一人不足惜後世有攬權戀位者援居正故事甚至窺竊神器其禍有難言者矣抑標又有深恨焉國家以言路付之臺省默而不言猶謂曠職臣觀御史曾士楚保留一疏公論倒地蓋至于此標具疏是日廷杖前上疏者見諸臣方宛轉血肉中不為懼天下聞而壯之○翰林院修撰陳于陛復除原職○命陽武侯薛鉉歲支祿米八百石鉉以姪繼伯爵部議照例減支故也○戊申起原任戶部

尚書王國光爲吏部尚書以兵部尚書方達時暫署部事○先是諭吏部各衙門考語以四句爲限無得浮詞虛美以傷政體至是部查各省註考尚有沿習舊套者以其具疏在奉旨前姑免駁回從之○陞大理寺左少卿周詠爲都察院右叅都御史巡撫遼東○命御史王曉巡按浙江○陞宣府張家口堡守備李維勤鎮鎮虜關提調冀水昌俱署都指揮僉事僉書河南軍政事○己酉大學士張居正因上勅諭羣臣雖乞憫愚蒙渥聖度以釋羣疑得旨卿雖爲此輩曲解於法決是難容卿務勉遵諭旨以終顧託○以廣東都司署都指揮僉事李應祥充叅將分守廣西思恩等處○壬子改南京禮部尚書翁大立爲南京兵部尚書叅贊機務○陞太常寺少卿提督四夷館溫純爲大理寺左少卿